

OPĆINA ILIJAŠ

Općinski načelnik

Na osnovu člana 4. stav 3. Zakona o ugostiteljskoj djelatnosti ("Službene novine Federacije BiH", broj 32/09), člana 11. Zakona o turističkoj djelatnosti ("Službene novine Federacije BiH", broj 32/09), člana 111. Pravilnika o uslovima minimalne tehničke opremljenosti poslovnih prostora za obavljanje trgovine ("Službene novine Federacije BiH", broj 12/05) u skladu sa Zakonom o trgovini ("Službene novine Federacije", broj 64/04 i 12/05), člana 30. Zakona o lokalnoj samoupravi -prečišćeni tekst ("Službene novine Kantona Sarajevo", broj 22/00) i člana 107. Statuta Općine Ilijaš - Prečišćeni tekst ("Službene novine Kantona Sarajevo", broj 20/09), općinski načelnik donosi

ODLUKU

**O VISINI NAKNADE I IMENOVANJU KOMISIJE ZA
UTVRĐIVANJE ISPUNJAVANJA PROPISANIH
USLOVA ZA OBAVLJANJE ODREĐENIH
DJELATNOSTI NA PODRUČJU OPĆINE ILIJAŠ**

Član 1.

Ovom Odlukom imenuje se Komisija za utvrđivanje ispunjavanja propisanih uslova za obavljanje određenih djelatnosti (u daljnjem tekstu: Komisija), određuje se njen sastav, nadležnost, način rada, naknada za rad, kao i ostala pitanja vezana za rad Komisije.

Član 2.

Imenuje se Komisija koja ima predsjednika i 4 (četiri) člana. Komisija ima tehničkog sekretara koji obavlja administrativne poslove Komisije.

Član 3.

U Komisiju se imenuju:

1. LJILJANA CVIJAN, dipl. ekonomista, predsjednik
2. NEDŽAD MEKIĆ, dipl. ing. građevine, član
3. SANJA ZAGORAC-JOŽIĆ, dipl. ing. mašinstva, član
4. AZIZ FAZLIĆ, dipl. ing. zaštite na radu i životne okoline, član
5. EDIB RIZVO, dipl. sanitarni ing., član

Član 4.

Za tehničkog sekretara se imenuje MIRZA MARUKIĆ, viši stručni saradnik za privredu, zapošljavanje i lokalni razvoj, Služba za privredu, finansije i investicije općine Ilijaš, sa zadatkom da obradi zahtjeve, upotpuni potrebnu dokumentaciju, odredi termin izlaska Komisije na lice mjesta i o istom obavijesti predsjednika i članove Komisije kao i podnosioca zahtjeva, te obezbijedi prisustvo podnosioca zahtjeva u ugovorenom terminu.

Član 5.

Komisija će raditi izvan radnog vremena, odnosno poslije 16 sati i 15 minuta.

Sastav Komisije određuje tehnički sekretar zavisno od vrste djelatnosti za koju se utvrđuje ispunjavanje propisanih uslova za njeno obavljanje.

Član 6.

Mandat predsjednika, članova Komisije i tehničkog sekretara je 4 (četiri) godine.

Član 7.

Zadatak Komisije je utvrđivanje ispunjavanja minimalno tehničkih i drugih uslova za obavljanje trgovinske, ugostiteljske, turističke i drugih djelatnosti u poslovnim prostorijama na području općine Ilijaš koji su propisani posebnim zakonima i podzakonskim propisima, ako je utvrđena nadležnost općinskog organa uprave za obavljanje tih poslova.

Zapisnik sa stručnim nalazom i mišljenjem iz prethodnog stava, Komisija dostavlja Službi za privredu, finansije i investicije općine Ilijaš.

Član 8.

Troškove rada Komisije plaća podnosilac zahtjeva unaprijed u iznosu od 125,00 KM na transakcijski račun budžeta općine Ilijaš 1602000000710645.

Sredstva od ove naknade će se koristiti za izmirenje troškova rada Komisije.

Ostale indirektne troškove (kancelarijski materijal i putni troškovi obilaska predmetnog objekta na relaciji općina Ilijaš-predmetni objekat) koji su neophodni za rad Komisije snosit će Općina.

Član 9.

Naknada za rad predsjednika, članova Komisije plaća se u pojedinačnom neto iznosu od 20,00 KM po pregledu jednog poslovnog prostora bez obzira na broj izlazaka Komisije.

Za obavljanje poslova iz člana 4. Odluke, tehničkom sekretaru se plaća naknada od 50,00 KM mjesečno.

Isplata naknada iz prethodnog stava izvršit će se na osnovu zaključka općinskog načelnika.

Član 10.

Ova Odluka stupa na snagu narednog dana od dana objavljivanja na oglasnoj ploči općine Ilijaš.

Broj 01/2-04/1-20-1215/09-2

20. oktobra 2009. godine

Ilijaš

Općinski načelnik

Nusret Mašić, s. r.

Napomena: Odluka je objavljena na oglasnoj ploči Općine Ilijaš 20. oktobra 2009. godine.

OPĆINA NOVI GRAD

Općinski načelnik

Na osnovu člana 46. Zakona o prostornom uređenju Kantona Sarajevo ("Službene novine Kantona Sarajevo", broj 7/05) i člana 42. Statuta Općine Novi Grad Sarajevo ("Službene novine Kantona Sarajevo", broj 25/04), načelnik Općine Novi Grad Sarajevo, verifikovao je

ODLUKU

**O KOREKCIJI REGULACIONOG PLANA
"HEPOK-ČENGIĆ VILA III"**

Član 1.

Usvaja se Korekcija Regulacionog plana "Hepok-Čengić Vila III" (u daljnjem tekstu: korekcija Plana), ("Službene novine Kantona Sarajevo", br. 13/02).

Član 2.

Korekcijom Plana se na zelenoj površini uz objekte kolektivnog stanovanja k.č. 876/1 (dio) K.O. Novo Sarajevo III, daje mogućnost lociranja i izgradnje poslovnog objekta horizontalnih gabarita 10.00x8.00 m, spratnosti-prizemlje.

Član 3.

Korekcija Plana sastoji se iz tekstualnog dijela i grafičkih priloga (izvod iz Regulacionog plana "Hepok-Čengić Vila III"); - Tekstualni dio i grafički prilozi korekcije Plana su sastavni dio Regulacionog plana "Hepok-Čengić Vila III" ("Službene novine Kantona Sarajeva", br. 13/02).

Član 4.

Po jedan primjerak ovjerene korekcije Plana (tekstualni dio i grafički prilozi) nalazi se na stalnom javnom uvidu i čuvaju se u Službi dokumentacije Općine Novi Grad Sarajevo, Zavodu za

planiranje razvoja Kantona Sarajevo i Gradskoj upravi Grada Sarajeva.

Član 5.

Ova odluka stupa na snagu osmog dana od dana objavljivanja u "Službenim novinama Kantona Sarajevo".

Broj 02-23-17308/09
6. oktobra 2009. godine
Sarajevo

Općinski načelnik
Općine Novi Grad Sarajevo
Damir Hadžić, s. r.

OPĆINA NOVO SARAJEVO

Općinski načelnik

Općinski načelnik Općine Novo Sarajevo, na osnovu člana 25. stav 3. i člana 26. Zakona o ustanovama ("Službeni list R BiH", broj 6/92, 8/93 i 13/94), člana 42. stav 1. alineja 2. Statuta Općine Novo Sarajevo-Prečišćeni tekst ("Službene novine Kantona Sarajevo", broj 12/06, 14/08 i 25/08) i člana 19. stav 2. Odluke o osnivanju Javne ustanove "Međunarodni centar za djecu i omladinu Novo Sarajevo" ("Službene novine Kantona Sarajevo", broj 11/01 i 31/01), donosi

RJEŠENJE

**O RAZRJEŠENJU PREDSEDNIKA I ČLANA
NADZORNOG ODBORA JAVNE USTANOVE
"MEĐUNARODNI CENTAR ZA DJECU I OMLADINU
NOVO SARAJEVO" U SARAJEVU**

I.

Razrješavaju se dužnosti predsjednika i članova Nadzornog odbora JU "Međunarodni centar za djecu i omladinu Novo Sarajevo" Sarajevo, sa danom 31.07.2009. godine, zbog isteka mandata:

1. IVO NJIRE, predsjednik
2. JAKUF SUBAŠIĆ, član
3. ZORICA MILIČEVIĆ, član

II.

Rješenje stupa na snagu danom donošenja, a primjenjivat će se od 01.08.2009. godine.

III.

Ovo Rješenje objaviti u "Službenim novinama Kantona Sarajevo".

Broj 02-38-2275/09
1. septembra 2009. godine
Sarajevo

Općinski načelnik
Nedžad Koldžo, s. r.

Općinski načelnik Općine Novo Sarajevo, na osnovu člana 25. stav 3. i člana 26. Zakona o ustanovama ("Službeni list R BiH", broj 6/92, 8/93 i 13/94), člana 42. stav 1. alineja 2. Statuta Općine Novo Sarajevo-Prečišćeni tekst ("Službene novine Kantona Sarajevo", broj 12/06, 14/08 i 25/08) i člana 16. stav 2. Odluke o osnivanju Javne ustanove "Međunarodni centar za djecu i omladinu Novo Sarajevo" ("Službene novine Kantona Sarajevo", broj 11/01 i 31/01), donosi

RJEŠENJE

**O IMENOVANJU PREDSEDNIKA I ČLANOVA
UPRAVNOG ODBORA JAVNE USTANOVE
"MEĐUNARODNI CENTAR ZA DJECU I OMLADINU
NOVO SARAJEVO" U SARAJEVU**

I.

Za vršioce dužnosti predsjednika i članove Upravnog odbora JU "Međunarodni centar za djecu i omladinu Novo Sarajevo" Sarajevo, sa danom 01.08.2009. godine imenuju se:

1. MIROSLAV MISITA, predsjednik
2. GORAN MEMIĆ, član
3. SUZANA ĐUKANOVIĆ, član
4. EMINA OSMANAGIĆ, član
5. EMINA SELMANOVIĆ, član

II.

Mandat imenovanih traje do izbora i imenovanja predsjednika i članova Upravnog odbora, odnosno do raspisivanja i okončanja postupka po Javnom oglasu/konkursu, a najduže 6 mjeseci.

Prava i obaveze predsjednika i članova Upravnog odbora utvrđena su Zakonom o javnim ustanovama, Odlukom o osnivanju Centra i Pravilima Centra.

III.

Ovo Rješenje objaviti u "Službenim novinama Kantona Sarajevo".

Broj 02-38-2275/09
1. septembra 2009. godine
Sarajevo

Općinski načelnik
Nedžad Koldžo, s. r.

Općinski načelnik Općine Novo Sarajevo, na osnovu člana 25. stav 3. i člana 26. Zakona o ustanovama ("Službeni list R BiH", broj 6/92, 8/93 i 13/94), člana 42. stav 1. alineja 2. Statuta Općine Novo Sarajevo-Prečišćeni tekst ("Službene novine Kantona Sarajevo", broj 12/06, 14/08 i 25/08) i člana 16. stav 2. Odluke o osnivanju Javne ustanove "Međunarodni centar za djecu i omladinu Novo Sarajevo" ("Službene novine Kantona Sarajevo", broj 11/01 i 31/01), donosi

RJEŠENJE

**O RAZRJEŠENJU PREDSEDNIKA I ČLANA
UPRAVNOG ODBORA JAVNE USTANOVE
"MEĐUNARODNI CENTAR ZA DJECU I OMLADINU
NOVO SARAJEVO" U SARAJEVU**

I.

Razrješavaju se dužnosti predsjednika i članova Upravnog odbora JU "Međunarodni centar za djecu i omladinu Novo Sarajevo" Sarajevo, sa danom 31.07.2009. godine, zbog isteka mandata:

1. MIROSLAV MISITA, predsjednik
2. GORAN MEMIĆ, član
3. SUZANA ĐUKANOVIĆ, član
4. DŽEMO TUCAK, član
5. EMINA ZGODIĆ, član

II.

Rješenje stupa na snagu danom donošenja, a primjenjivat će se od 01.08.2009. godine.